

**Zeitschrift:** Frauezeitig : FRAZ  
**Herausgeber:** Frauenbefreiungsbewegung Zürich  
**Band:** - (1981-1982)  
**Heft:** 23

**Rubrik:** Leserinnenbriefe

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)


### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 02.04.2025

**ETH-Bibliothek Zürich, E-Periodica, <https://www.e-periodica.ch>**

# Leserinnenbriefe



19. März 1981

Liebi Zitigsfraue,

mir hei dr letscht FBB-Versand gläse... und sind entsetzt!!!

D'Frauezeitig het öis immer ufgstellt ou wenn mir öis nid mit jedem Artikel hei chönne identifiziere. Aber das isch schliesslich ou guet. Mir hei jedesmol mit Spannig uf die nöi Zitig gwartet... und es wär verrückt, wenn's plötzlich kei Frauezeitig meh gäb.

Mir chönd leider nid a d'Vollversammlung vom 23. März vo dr FBB cho, aber mir möchted Euch klar säge: mached witer!!! Eui Zitig isch schaurig wichtig für öis, für vili anderi Fraue, für d'Frauebewegig (wo schliesslich nid nume us dr FBB-Züri bestoht) und will sie nach wie vor die Alternative im Schwizer-Fraue-Zitigs-Blätterwald isch.

Bis jetzt isch d'Frauezeitig offe gsi, für alles, wo öis Fraue bewegt. Und do derzue ghöre halt einfach ou d'Puffer und Usenandersetzige mit Manne. Mir sie klar derfür, dass die Zitig vo Fraue für Fraue gmacht wird. Aber d'FBB als Institution sötti stark genug si, für es Mal e paar Manne-Artikle z'verträge.

Mir hei's lässig g'funde, dass öpedie Artikle und Briefe vo Nid-FBB-Fraue i dr Frauezeitig erschine sind. Vo Fraue, wo nid im Fraue-Ghetto vo Züri läbed, sondern usserhalb... Und wenn jetzt plötzlich gwüssi

Theme nümme dörfed behandelt resp. beschriebe wärde, de chunnt ou kän Dialog meh z'stand zwüsched FBB-

und andere Fraue.

Überhaupt hei mir ou gar nümme Luscht, öis mit dr FBB-Züri, wo vom chline, herte Chärm dominiert, bestimmt und i'gränzt wird, z'identifiziere.

D'Frauezeitig söll offe si für sog. emanzipierti und no nid emanzipierti Fraue, für Lesbe und Hetero-Fraue, für alli Fraue, wo öisi Männergesellschaft hinterfröge und sich in irgendere Form mit ihrem Fraueläbe usenandsetze. I däm Sinn brucht (oder cha) d'Frauezeitig ou gar nid das Organ vo dr FBB-Züri si, grad will d'Identifikation mit däm Verein immer schwieriger wird.

Liebi Zitigsfraue, mir drücked Eui dr Duume und hoffe, dass Ihr witermached.

Uf die nächscht Frauezeitig freued sich

Barbara, Monika, Geri, Christine

20. März 1981

Liebe Fraue-Zitigs-Frauen,

Zwar habe ich schon lange Eure Zeitung nicht gelesen (es hat mit dem Abo nicht so geklappt), möchted Euch aber kurz zum letzten Protokoll etwas schreiben, da ich nicht zur Vollversammlung kommen kann.

Mich beschäftigt es, dass Ihr, bloss weil Ihr eine scheinbar nicht so genehme Nummer herausgelassen

habt, bestraft werden sollt mit: Nicht mehr Organ sein zu dürfen etc. Mir löscht es da schon etwas ab über solch intolerante Haltung der FBB-VV. Wenn Autonomie nur so lange gewährt wird, als man auch gleicher Meinung ist und bei Übertritt einer Grenze, eine Repression folgt, so sind wir keinen Schritt weiter, als die engste repressive Familie, von Weiterentwicklung keine Spur.

Ich möchte Euch ermutigen, die Zitig weiterzumachen, als autonome Gruppe, die manchmal Zeug schreibt, das mir passt und manchmal nicht. Ich möchte auch gleich ein Abo bestellen (hoffentlich klappts das Mal).

En liebe Gruess

Susanne

Dunschtig, 19. März 81

Liebi Zitigsfraue,

Ich wett öi schriibe wägem Versand vo dä FBB, wo nich übercho han, die Site über d'Wiiterfüürig vo dä Fraue-Zitig, oder nöd.

Ich ha d'Nummer 21 ä ganzägueti Nummer g'fundä, da isch viel Züg drin, wo mich würkli aagat; ich bi ä Frau, wo no mit Manne z'tue hät, drum find ich dä Hauptartikel überhaupt nöd überflüssig.

Drum find ichs ä schaurig blödi Idee, d'Frauezeitig als FBB-Zitig abzschaffe. S'chunt mer schaurig äng, pedantisch vor. Und wänn ich das scho ghöre: feministisches Prinzip!! Wie oft ghören ich dä Satz i öisära Männerwält: Das verstösst leider gegen meine Prinzipien.

Drum: Mached doch witer a dä Frauezeitig. Ich han a däre mee dä Plausch als am änä halbä Dutzend "kreativä" Isbrächernachamigä.

Liebi Grüess

K.

PS. S'ärgeret mich echli a mir, dass ich erscht jetzt uf d'Zitig reagierä, wo sie bedroot isch.